

## قومي يا ليلي للأكبر علي جبهته قتيل دمه يسيل

شاييل شمّامته إعلّى إيده      وروحه تنظر إلى جماله  
ونابت سهم الردى ابوريده      قاوم قلبه وتوجه وشاله  
وخيمة أمه مهّي بعيده      لكن خايف تشاهد حاله  
حايّر بين الخيم بوليده      وینه ايسجّي على وأوصاله

### واقف بابنه ودليله مبتلي

جابه عند خيمة النساوين      وناده قومي يليلي بالساع  
قامت ما تدري تمشي لا وين      صوت النعي ملأها بوجاع  
صاحت وینه عزيزي يحسين      ناده هذا علي على القاع  
شوفيه ذبيح ودمه صوبين      شوفي قضى واتزودي اوداع

### صاحت يوليدي يا شمعة هلي

طاحت فوقه تشم في نحره      وصارت زفرة حزن طويله  
نايم يوليدي فوق الغبره      ونومي يصعب ييمه الليله  
افراقك خلّف عليّ حسره      اقليبي ابفقدك فقد دايله  
او والد لكبر إليها يبره      ناده بسش عتب يايلي

### صاحت منهو بعد غيره إلي

خادم أهل البيت(ع): عبدالشهيد الثور

9 محرم 1415 هـ / 1994 م

موشح ووقفة في موكب بن خميس

مطبوعة في الجزء 7 من الدموع الجارية